



(Sinatura do Presidente)

Folio N.º

95

Serie A N.º 1177955

- Pola voceira do Grupo Municipal do PP, SRA. CANAL GÓMEZ, se prantexa o seguinte rogo sobre a ponte de Xulián:

"Que se adopten as medidas oportunas, para instar á Consellería de Política Territorial da Xunta de Galicia, para que resolva dunha vez o conflito que levou ó peche da Ponte de Xulián por parte do propietario dos terreos cedidos, xa que esta situación está a producir un gran perxuício, e unha situación de perigo para os transeúntes que se ven obrigados a ter que transitar pola calzada, nunha nacional, pola que de maneira continuada circulan camións de gran tonelaxe.

O Sr. Alcalde dille á concelleira Sra. Canal Gómez que *ten morro e caradura*, ante o que dita concelleira lle increpa dicindo que lle parece unha falta de respecto que non vai a tolerar e abandona a sesión co resto dos concelleiros do seu grupo.

E, non habendo máis asuntos que tratar, pola Presidencia dase por rematada a presente sesión, sendo as vinte horas e cincuenta minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 87 do Papel Timbrado da Comunidade Autónoma de Galicia, Serie A nº 1177947 ata o folio núm. 95, Serie A nº 1177955, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL

SESIÓN ORDINARIA CELEBRADA POLO PLENO DO CONCELLO O DÍA
22 - FEBREIRO - 2006

ORDE DO DÍA

- 1.- APROBACIÓN DA ACTA DA SESIÓN ANTERIOR.
- 2.- DAR CONTA DO EXPEDIENTE ADMINISTRATIVO DE MODIFICACIÓN DE CRÉDITO
3/06.
- 3.- INCORPORACIÓN REMANENTES ORZAMENTARIOS ANO 2005.
- 4.- NOVACIÓN PRÉSTAMO.
- 5.- ACTIVIDADE DE CONTROL DO PLENO:
 - 5.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 5.2.- MOCIÓNS.
 - 5.2.1.- MOCIÓN DO BNG S/ O 8 DE MARZO "DÍA INTERNACIONAL DAS MULLERES".
 - 5.2.2.- MOCIÓN DO PSdeG-PSOE S/ O 8 DE MARZO "DÍA INTERNACIONAL DAS MULLERES".

5.3.- ROGOS E PREGUNTAS.

Na Casa do Concello de Redondela, sendo as vinte horas e trinta minutos do día vintedous de febreiro de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. MANUEL IGLESIAS CARRERA, D^a. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, D. RODOLFO PATO GARCIA, D^a. M^a DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, D^a. CECILIA PÉREZ ORXE, D^a. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia, os/as Sres./Sras. Concelleiros/as: D^a. MÓNICA CARREIRA COUÑAGO, D. CARLOS GONZÁLEZ FERNÁNDEZ, e D^a. HERMINDA QUELLE FERNÁNDEZ.

A Presidencia declara aberta a sesión, en primeira convocatoria, e con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezaioito votos a favor (6 do PSdeG-PSOE, 7 do PP, 3 do BNG, 1 de RA e 1 de EU-IU), acorda prestar aprobación ó acta da sesión celebrada con carácter ordinario o día 27 de xaneiro de 2006.-

2.- DAR CONTA DO EXPEDIENTE ADMINISTRATIVO DE MODIFICACIÓN DE CRÉDITO 3/06.-

Dada conta do seguinte expediente de modificación de crédito:

- 3/06, aprobado por Decreto da Alcaldía de data 01.02.06, mediante incorporación de remanentes de crédito con financiamento afectado ao orzamento prorrogado do Concello de Redondela para o ano 2006, por importe de 726.253,45 euros.

Non se formulan observacións, e o Pleno do Concello, dase por enterado do expediente administrativo de modificación de crédito anteriormente relacionado.-

3.- INCORPORACIÓN REMANENTES ORZAMENTARIOS AÑO 2005.-

ANTECEDENTES.-

Dictame da Comisión Informativa de Economía, Facenda e Patrimonio de data 20 de febreiro de 2006, que transcrito dí:

"Vista a proposta da Alcaldía do día 17.02.06, que transcrita dí:



(Selo da Corporación)

(Sinatura do Presidente)

Folio N.º 96

Serie A N.º 1177956

Visto o expediente administrativo de modificación de crédito 3/06 mediante incorporación de remanentes de crédito por importe 726.253,45 euros.

Tendo en conta que no citado expediente incorporouse un total de 5.288,00 euros para o alcantarillado en Costeira 1ª fase; 26.400,00 euros para o alcantarillado en Costeira 2ª fase; 18.000,00 euros para o alcantarillado en Tuimil; 17.500,00 euros para o alcantarillado no Camiño de Frades, e 9.000,00 euros para alcantarillado en Tuimil, A Portela, O Viso.

Considerando que os alcantarillado citados xa foron realizados, non sendo precisas as contías indicadas para as obras citadas.

Considerando preciso contar con máis crédito para a realización de novas obras de alcantarillado.

Deliberación

(...)

Votación e dictame:

A Comisión informativa de economía, facenda e patrimonio, co voto favorable dos/as Sres./as Concelleiros/as dos Grupos Municipais do PSdeG-PSOE (4), do BNG (2) e do Grupo Mixto (1), e a abstención do Grupo Municipal do PP (2), dictaminou favorablamente a Proposta da Alcaldía antes citada, e na súa consecuencia estimou oportuno propoñer ao Concello Pleno, a adopción dos seguintes acordos:

"Variar parcialmente o expediente administrativo de modificación de crédito 3/06 cambiando o destino de cinco dos remanentes de crédito incorporados para cinco obras de alcantarillado xa realizados, destinando íntegramente os remanentes citados a novas obras de alcantarillado, do xeito seguinte:

Partida	Destino	Euros ±
06441RI60100	Saneamentos (3/06-1/05)	+76.188,00
06441RI62704	Alcantarillado en Costeira 1ª fase (3/06-2/05-18/04)	- 5.288,00
06441RI62705	Alcantarillado en Costeira 2ª fase (3/06-2/05-18/04)	- 26.400,00
06441RI62706	Alcantarillado en Tuimil (3/06 - 2/05 - 18/04)	- 18.000,00
06441RI62707	Alcantarillado no Camiño de Frades (3/06 - 2/05 -18/04)	- 17.500,00
06441RI62708	Alcantarillado en Tuimil, A Portela, O Viso (3706 - 20/05)	- 9.000,00

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as presentes, sendo dez votos a favor (6 do PSdeG-PSOE, 3 do BNG, e 1 de EU-IU), e oito abstencións (7 do PP e 1 de RA), acorda aprobar o dictame da Comisión Informativa de Economía, Facenda e Patrimonio nos antecedentes transcrito.-

4.- NOVACIÓN PRÉSTAMO.-

ANTECEDENTES.-

Dictame da Comisión Informativa de Economía, Facenda e Patrimonio de data 20 de febreiro de 2006, que transcrito dí:

"Vista a proposta da Alcaldía do día 17.02.06, que transcrita dí:

"O día 13.10.04 o Concello de Redondela asinou co Banco de Crédito Local o contrato de préstamo a longo prazo 2/04 por importe de 2.000.000,00 euros.

Un total de 200.000,00 euros do préstamo citado destínase a "Obras no cemiterio de Mañó".

Coa finalidade de contar cos terreos precisos para a realización das correspondente obras tramitouse un expediente administrativo de expropiación forzosa.

O Concello de Redondela pagou aos propietarios afectados un total de 200.561,19 euro (parte deles consignados na caixa de depósitos da Delegación de Facenda en Pontevedra).

O día 10.05.05 o Xurado Provincial de Expropiación dictou resolución fixando o xustiprezo dos terreos expropiados citados, debendo o Concello de Redondela pagar contías superiores ás abonadas, así como os correspondentes xuros de demora.

Carecendo o Concello de Redondela de crédito adecuado, dispoñíbel e en contía suficiente para cumprir o indicado na resolución citada do Xurado Provincial de Expropiación.

Deliberación
(...)

Votación e dictame:

A Comisión informativa de economía, facenda e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4), do BNG (2) e do Grupo Mixto (1), e a abstención do Grupo Municipal do PP (2), dictaminou favorablemente a Proposta da Alcaldía antes citada, e na súa consecuencia estimou oportuno propoñer ao Concello Pleno, a adopción dos seguintes acordos:

"Novar parcialmente o préstamo a longo prazo 2/04 por importe de 2.000.000,00 de euros asinado co Banco de Crédito Local o día 13.10.04, cambiando o destino de 200.000,00 euros do citado préstamo asignados a <Obras cemiterio de Mañó> e establecendo como novo destino do importe citado <Expropiacións, xuros e obras no cemiterio de Mañó>; novo destino que será comunicado ao Banco de Crédito Local a efectos informativos, e que figurará no correspondente expediente administrativo de modificación de crédito mediante incorporación de remanentes de crédito con financiamento afectado no orzamento prorrogado do Concello de Redondela para o ano 2006".

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as presentes, sendo once votos a favor (6 do PSdeG-PSOE, 3 do BNG, 1 de R.A., e 1 de EU-IU), e sete abstencións (7 do PP), acorda aprobar o dictame da Comisión Informativa de Economía, Facenda e Patrimonio nos antecedentes transcrito.-

5.- ACTIVIDADE DE CONTROL DO PLENO:

5.1.- DAR CONTA DE RESOLUCIÓN DA ALCALDÍA E CONCELLEIROS DELEGADOS.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 21 de xaneiro ó 16 de febreiro de 2006.-

5.2.- MOCIÓNS:



(Sinatura do Presidente)

Folio N.º 92

Serie A N.º 1177957

5.2.1.- MOCIÓN DO BNG S/ O 8 DE MARZO "DÍA INTERNACIONAL DAS MULLERES".-

ANTECEDENTES.-

Moción do Grupo Municipal do BNG, de data 10 de febreiro de 2006, que transcrita dí:

"EXPOSICIÓN DE MOTIVOS.- A situación actual das mulleres galegas no ámbito laboral pon de manifesto a persistencia de discriminacións directas e indirectas. Son múltiples e complexos os elementos que perpetúan tal discriminación e que se manifestan na baixa taxa de actividade, nas elevadas cifras de paro feminino, na segregación laboral ou na diferencial salarial, provocando que en conxunto as mulleres asalariadas cobren até un 30% menos que os homes.

A presenza de discriminacións e prexuízos que condicionan a incorporación das mulleres ao emprego remunerado queda constatada en diferentes estudos, onde se pon de manifesto como, elementos imprescindibles para o mantemento da sociedade, lonxe de seren valoradas e protexidos, son en moitas ocasións un atranco para o desenvolvemento da faceta laboral. Podemos tomar como referencia o Terceiro Informe Randstad, sobre políticas de conciliación na Unión Europea. No mesmo, cífrase nun 20% ás mulleres que abandonan o seu traballo por mor da maternidade, resaltando que se fixéramos a análise dos homes que renuncian ao seu emprego a causa da súa paternidade, non tería relevancia estatística. Desminte, ademais, que exista unha vinculación directa entre incorporación das mulleres ao mundo laboral e descenso da natalidade, tal e como demostra a evolución noutros Estados do entorno europeo que contan con políticas máis avanzadas no ámbito da corresponsabilidade.

O Instituto Galego de Estatística (IGE), fornécenos datos en relación ao emprego do tempo que son reveladores a respecto da necesidade de facer da corresponsabilidade e a promoción da incorporación laboral das mulleres eixos centrais da actuación das institucións públicas galegas a todos os niveis. Algúns destes datos son os seguintes:

- A porcentaxe de homes empregados é do 40,1 %, mentres as mulleres empregadas sitúanse nun 26,8%. A media do tempo que dedican ao traballo remunerado é inferior -á media masculina- nunha hora e vintedous minutos.

- O 72,1% das mulleres realizan actividades de mantemento do fogar, fronte a un 26,6% de varóns. Estes dedican 51 minutos ás mesmas, fronte ás dúas horas que diariamente ocupan ás mulleres. Ao fogar e familia as mulleres dedican 4 horas e 52 minutos, os varóns 2 horas e 30 minutos.

- Hai un 12,2% de persoas que diariamente coidan de nenos e nenas. Os galegos que declaran dedicarse diariamente a estas atencións representan o 8,5%, fronte a un 15,5% de galegas.

O BNG pensa que a incorporación igualitaria das mulleres no traballo remunerado é unha reto que ten que enfrontar ó conxunto da sociedade galega. Debemos dar pasos firmes cara unha sociedade que sexa consciente dos beneficios da incorporación plena e igualitaria das mulleres no ámbito laboral, máis tamén dos beneficios de facer do ámbito privado un espazo común de homes e mulleres. É necesaria a asunción, por parte dos poderes públicos, de políticas que removan os cimentos nos que se asenta a actual división de roles, eliminando os condicionantes sociais e culturais que intentan situar as prioridades das mulleres nas tarefas reprodutivas e domésticas. Medidas que promovan unha sociedade máis xusta e equilibrada, onde sexa efectiva a igualdade de trato, de dereitos e de oportunidades.

Somos conscientes que o nivel de autogoberno que ten hoxe a nación galega é insuficiente para podemos abordar de maneira global unha política verdadeiramente eficaz no ámbito da corresponsabilidade e da incorporación igualitaria das mulleres ao ámbito laboral. Aspectos relevantes como a regulación dos permisos de maternidade, paternidade, permisos de aleitamento, excedencias, lexislación laboral, etc., continúan sendo materia reservada ao Estado. Máis que foron exercidos sen teren presente as particularidades da situación do mercado de traballo en Galiza. Labregas, mariscadoras, redeiras e outros traballos cunha

presenza importante de galegas, teñen unha regulamentación que non responde á nosa realidade nacional e que ten provocado situacións incríbeis como que unha labrega non poda acceder a titularidade dunha explotación porque o seu marido é titular doutra, ou que teñan dificultades para o acceso a medidas de corresponsabilidade. Máis un motivo de peso para que comprendamos a necesidade de dotar a Galiza dun novo Estatuto de Nación, que nos confira os instrumentos necesarios para poder avanzar na Galiza cara unha sociedade máis xunta e igualitaria.

Polo dito propónse a adopción do seguinte ACORDO:

- Reclamar á Xunta de Galiza a elaboración dunha Lei galega para o Fomento do Acceso das Mulleres ao Emprego Remunerado que conte coa participación de todos os axentes sociais e institucionais implicados e que incorpore medidas para favorecer o acceso das mulleres ao mundo do traballo en igualdade de condicións, liñas de actuación para detectar e eliminar as discriminacións directas e indirectas, así como, para abordar a problemática do acoso.

- Promover dende o ámbito municipal campañas de sensibilización social que incidan na necesidade dun reparto equilibrado de funcións e tarefas no ámbito doméstico e na dignificación social do traballo realizado no ámbito familiar.

- Primar nas contratacións que realice o Concello a aquelas empresas que teñen unha presenza equilibrada entre os dous xéneros.

- Promover dende o Concello, en colaboración coas institucións educativas e coas ANPAS, a realización de actividades extraescolares nos centros educativos."

INTERVENCIÓNS.-

A señora Canal Gómez di que ten a moción do ano pasado sobre o mesmo tema e lle parece que hai que lembrarse da muller durante todo o ano, que van a votar a favor da moción pero tamén poden tomar exemplo da Deputación Provincial que hoxe aprobou o primeiro plano de igualdade entre o home e a muller e por iso foi felicitado mesmo polo PSOE. Lle parece que as prestacións do Concello cara as mulleres son escasas durante o ano, dado que non hai cursos nin axudas efectivas para que as mulleres poidan traballar e atender ás súas familias, e considera que a moción é demagóxica.

O señor Bastos Fernández dí que está a favor da igualdade e que agora que o BNG goberna no bipartito da Xunta poden crear máis postos de traballo para as mulleres.

A señora Pérez Orge agradécelle á señora Canal o seu voto a favor da moción e dille que dende o ano 1999 o incremento dos investimentos na área de muller foi constante e que veñen desenvolvendo moitísimas actividades nestes eidos. Tamén dí que a Deputación non é pioneira dado que moitos concellos aprobaron xa os seus planos de igualdade, e aínda algún vai xa polo segundo. Remata dicindo que o que se pretende coa moción é dirixirse á Xunta para que estableza a base normativa axeitada para mellora-la situación das mulleres e o seu acceso ao emprego.

A señora Rodríguez Cunha dí que co gallo do día internacional das mulleres o seu grupo pretende, tal e como reflexa nunha moción que tamén se trae ao pleno, que se faga unha homenaxe a aquelas que co seu esforzo conquistaron que a muller tivera dereito a voto, como Clara Campoamor na II República. Recoñece que aínda hai moito que avanzar neste camiño respecto á incorporación da muller ao traballo tendo en conta a necesidade de cuidado dos fillos, das persoas dependentes...etc pero se trata de ir dando pasos cara adiante.

O señor Pérez Prado dí que dende distintas concellerías se está traballar con criterios de transversalidade na liña de incrementa-la participación da muller no eido do traballo. Salienta o proxecto *Compás*, a axuda prestada dende o Concello para a posta en marcha dunha Iniciativa Local de Emprego promovida por mulleres, o feito de que na escola obradoiro a meirande parte do alumnado sexan



(Selo da Corporación)

(Sinatura do Presidente)

Folio N.º 98

Serie A N.º 1177958

mulleres....etc.

A señora Canal Gómez manifesta que ela considera que non se está a facer moito e que aínda non lle dixeron en canto se incrementou a partida correspondente a accións cara as mulleres. Suliña que en Chapela non hai gardería, que o servizo de axuda a domicilio ten moitas deficiencias e que o apoio do concello á ILE foi simplemente a exención dalgúns impostos.

A señora Rodríguez Cunha dí que lle parece increíble oír á señora Canal falar de demagogia e queixarse de que non hai garderías despois de 16 anos de goberno de Fraga na Xunta de Galicia

A señora Canal Gómez dí que desexa responder por alusións, dicíndolle o Alcalde que non ten nin *pajolera idea* do que son alusións. A señora Canal pide que conste en acta esta última afirmación.

VOTACIÓN E ACORDO.-

Sometida a votación a Moción, o Pleno do Concello, en votación ordinaria e por unanimidade dos/as seus membros presentes, sendo dezaioito votos a favor (6 do PSdeG-PSOE, 7 do PP, 3 do BNG, 1 de RA e 1 de EU-IU), acorda aproba-la Moción do Grupo Municipal do BNG, nos antecedentes transcrita.-

5.2.2.- MOCIÓN DO PSdeG-PSOE, S/ O 8 DE MARZO "DÍA INTERNACIONAL DAS MULLERES".-

ANTECEDENTES.-

Moción do Grupo Municipal Socialista de data 21 de febreiro de 2006, que transcrita dí:

"EXPOSICIÓN DE MOTIVOS.- Nesta nova conmemoración do 8 de marzo queremos celebrar que nos atopamos nun momento crucial para a vida das mulleres no noso país. Por unha banda, cúmprese o 75 aniversario do voto feminino e o dereito das mulleres a ser electoras, que abandeirou Clara Campoamor na II República. Por outro, somos protagonistas de avances imparables na loita pola igualdade de oportunidades.

Fai 75 anos que as mulleres podemos decidir, a través do voto, os nosos representantes políticos. Foi unha batalla, difícil e incomprendida por moitos que aseguraban que a suposta "incapacidade intelectual" das mulleres ía redundar negativamente na democracia.

Gracias ó tesón e ó esforzo daquelas mulleres parlamentarias, escritoras e intelectuais, imperou a razón e hoxe o sufraxio universal é un dereito que está firmemente consolidado.

A celebración o 8 de marzo como Día internacional da Muller, proporciónanos a ocasión de tributarlles unha merecida homenaxe e dar así un paso máis; se hai 75 anos que as mulleres en España poden ser electoras, agora queremos ser elixibles en condicións de igualdade para asemellarnos o máis posible á sociedade á que queremos representar composta a partes iguais por mulleres e homes.

Pero non só aspiramos a busca-la equidade en política, senón en tódolos ámbitos da vida privada e laboral, intentando erradicar a discriminación histórica que converteu ás mulleres en únicas responsables da crianza dos menores, coidadoras dos dependentes e en consecuencia a formar parte do mercado de traballo en condicións de inestabilidade.

Debemos comprometermos por buscar fórmulas que acaben con estas inxustizas que se cometen dende o plano político, económico e social.

Durante o pasado ano, as mulleres poideron ver moitas destas expectativas cumpridas, sobre todo a

máis urxente, como era poñer freo á violencia machista a través dunha Lei Integral aprobada por unanimidade de tódolos grupos políticos no Congreso.

Se o esforzo para concretar vontades e desenvolver un texto lexislativo que afronte o fenómeno dende todas as súas perspectivas foi importante, maior debe ser o impulso de tódalas Administracións Públicas para ir poñendo en práctica tódalas medidas que a Lei prevé.

Estando aplicando máis de cincuenta medidas a favor da igualdade, que impulsou o Goberno do Estado o pasado ano, e que pretenden contribuir a que día a día desaparezan as desigualdades entre homes e mulleres, sobre todo en materia de emprego.

Durante o ano 2005 máis de medio millón de mulleres encontraron traballo en España, estreitando a brecha de xénero existente. Nembargantes, a realidade social e económica non reflicte aínda a igualdade plena.

Confiamos en que a futura Lei de Igualdade do Estado, que se aprobará este ano, dea resposta ás demandas das mulleres, que pasan, entre outras prioridades, por eliminar os obstáculos que impiden equiparar salarios e acadar postos de responsabilidade nas empresas sen ter que renunciar a unha vida persoal autónoma, defendendo o dereito dun permiso de paternidade intransferible.

As medidas emprendidas polo goberno da Xunta de Galicia están abandeirando esta loita a favor da igualdade. Os anuncios de elaboración da Lei Galega contra a Violencia de Xénero ou da Lei Galega de Igualdade no Emprego conforman dous pilares básicos do novo executivo galego que, encabezado por Emilio Pérez Touriño, ten como un dos obxectivos de goberno a eliminación de calquera atisbo de desigualdade no noso país.

75 anos despois de ter conseguido o dereito ó voto, queremos reivindicar a forza da igualdade como motor da transformación social á que aspiramos.

Convencidos de canto antecede e como consecuencia de iso, o Grupo Municipal Socialista presenta a seguinte MOCIÓN para a súa consideración polo Pleno Municipal e a adopción dos seguintes acordos:

- Recoñecer e tributar por parte deste Concello, un merecido homenaxe a tantas mulleres que, abandeiradas por Clara Campoamor, hai 75 anos defenderon o dereito do voto feminino como feito imprescindible para alcanzar unha democracia plena.

- Solicitar do Goberno de España e do Goberno da Xunta de Galicia a adopción das medidas necesarias para eliminar a discriminación laboral que sofren as mulleres, con salarios que de media son un 27% máis baixos que os dos homes, a través de mecanismos de incentivación ás empresas para equiparar os salarios, de recomendacións para unha mellor reorganización horaria no traballo e da promoción das mulleres nos órganos de dirección.

- Trasladar ó Goberno de España e ó da Xunta de Galicia o apoio institucional municipal para avanzar dunha maneira significativa na conciliación da vida laboral e persoal, ó aproba-la Lei de Dependencia que permitirá, ademais de recoñecer o dereito das persoas dependentes, liberar as mulleres dun rol social firmemente asentado, no que elas son as únicas coidadoras dos fillos, do fogar e dos dependentes, practicamente en exclusiva.

- Impulsa-la coordinación e cooperación entre tódalas Administracións Públicas, cada unha no marco das súas competencias, posibilitando a participación dos Gobernos Locais na aplicación da Lei Integral contra a Violencia de Xénero e da futura Lei de Dependencia, coa dotación de recursos suficientes.

- Solicitar ó Goberno da Nación e ó Goberno da Xunta de Galicia, no marco das súas competencias, unha modificación da lexislación vixente, para estimular e facilitar a participación das mulleres nos ámbitos de toma de decisións para conseguir unha democracia paritaria na confección de listas electorais e na elección de



NUMERADO
ORACIÓNS
LOCAIS



(Sinatura do Presidente)

Folio N.º

99

Serie A N.º 1177959

cargos de responsabilidade pública, por parte dos partidos políticos."

INTERVENCIÓNS.-

A Sra. Pérez Orxe maniféstase de acordo coa Moción e pide que no texto da mesma se reflexe por igual o goberno de España e o goberno galego.

VOTACIÓN E ACORDO.-

Sometida a votación a Moción, o Pleno do Concello, en votación ordinaria e por unanimidade dos/as seus membros presentes, sendo dezoito votos a favor (6 do PSdeG-PSOE, 7 do PP, 3 do BNG, 1 de RA e 1 de EU-IU), acorda aproba-la Moción do grupo municipal do PSdeG-PSOE, nos antecedentes transcrita.-

5.3.- ROGOS E PREGUNTAS:

- A Concelleira, Sra. Canal Gómez, formula os seguintes ROGOS:

- Antecedentes: Tendo coñecemento que o centro de Saúde de Chapela, en estes momentos e dende fai dous meses, non conta cun servizo que consideramos básico e prioritario como é o que realizan os/as Traballadores/as Sociais, e tendo en conta o elevado número de usuarios que anteriormente se viñan atendendo,

ROGO: Se adopten as medidas oportunas instando ó SERGAS a que se repaña dito servizo coa asistencia dun/unha Traballador/a Social os días necesarios para dar cobertura ó elevado número de veciños de Chapela.

- Antecedentes: os veciños do barrio de O Coto, da parroquia de Cesantes, solicitaron a sinalización correcta da parada de auto-bus sita no comezo do tramo coñecido como O Pereiro (A Pantaia), fronte ás obras de mellora da EN-550.

ROGO: se adopten as medidas oportunas, e se proceda á sinalización de dita parada.-

E, non habendo máis asuntos que tratar, pola Presidencia dase por rematada a presente sesión, sendo as vinte cincuenta e cinco horas da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 95 do Papel Timbrado da Comunidade Autónoma de Galicia, Serie A nº 1177955 ata o folio núm. 99, Serie A nº 1177959, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGONA MERINO GIL